

Jus Canonicum Practice Explicatum, Seu Decisiones Casuum

Ad Singulos Decretalium Gregorii Papæ IX. Titulos, & ad consuetum Referendi modum accommodatæ. Opus Novum

Complectens alteram Decretalium medietatem, videlicet nonaginta duos Titulos, à Titulo XX. libri III. de Feudis usque ad finem

Pichler, Vitus

Ingolstadii, 1734

Quæstio II. An dispensatus in Jejunio Quadragesimali quoad carnes comedendas teneatur abstinere à secunda refectione, supposito, quod carnes sponte non comedat?

[urn:nbn:de:hbz:466:1-62204](https://nbn-resolving.de/urn:nbn:de:hbz:466:1-62204)

rei, quām Judæi magis studentes
obseruare ceremonias Legis Mosai-
cæ, quām obseruare mandata Dei
moralia. Deinde ipse fuit au-
tor Legis novæ, & sultulit Leges
Ceremoniales antiquas, & sic ab his
exemit suos discipulos. Ad 12.
hoc ipsum nobis displiceret in vobis,
quod jejunia, rem honestam ac in
Scripturis totius laudatam & appro-
batam, faciatis arbitraria, intuper
habitò mandatè Ecclesiæ, & legiti-
mi Superioris Summi Pontificis ea
præcipientis. An non timetis à Deo
vobis exprobrandum, quod olim

Judæis exprobatum legimus, in je-
junis vestris invenitur voluntas vestra.
Si igitur velitis esse oves Christi,
Summo Pastori, quem Christus ip-
se constituit tanquam Vicarium
suum, Summo Pontifici Romano
vos subijcite, vocem ejus audite,
& mecum ab esu carnium hoc
tempore vos ab-
stinete.

DS SC

QUÆSTIO II.

*An dispensatus in Jejunio Quadragesimali
quoad carnes comedendas teneatur abstine-
re à secunda refectioне, supposito,
quod carnes sponte non
comedat?*

Paneratius bono zelō ita quidem
existimabat, & contra Paro-
chum sic arguebat. 1. Qui
non admittit dispensationem in lege,
seu non acceptat, ille manet ligatus
lege; quia dispensatio est instar do-
nationis, que, si non acceptetur,
(R. P. Eichler Decis. T. 2.)

nihil operatur: sed, qui non man-
ducat carnes, licet ad eas sit dispen-
satus, dispensationem non accep-
tit: ergo manet lege ligatus, & dis-
pensatio nihil operatur. 2. Episco-
pi solent tantum dispensare in esu
carnis, non verò in secunda refe-
ctio-

Qq

ktionē : sed dispensatio, utpote odiosa, strictā est interpretationis, adeoque non extendenda ad secundam refectionem : ergo. 3. si talis posset uti secunda refectione, tunc vice versa dispensatus in secunda refectione, vel aliunde excusatus à jejunio, posset etiam comedere carnes : sed hoc juxta omnes videtur esse falsum : ergo & prius. 4. Si quis non obstante generali dispensatione ad comedendas carnes in Quadragesima, eam tamen quoad carnes non admittens, posset sub vesperum cœnare, & alteram refectionem adhibere, possent Religiosi, saltem non exempti à iurisdictione Episcopali, sine consensu Superioris sui, qui dispensationem non admisit pro suo Monasterio, sub vesperum alteram refractionem adhibere : sed hoc est absurdum, & nullus fortè auderet facere : ergo.

Parochus econtra factum & morem suum excusavit hoc modo. I. ab auctoritate DD. nempe Cajetani, Azor, Fagundez & P. VViestner b.t. n. 7. dein 2. ex ratione, quia per dispensationem in esu carnium auferitur essentia, & quod principale est, jejunij Ecclesiastici : sed sublatā essentiā & principali cessat quoque accidens & accessoriū, videlicet obligatio abstinendi à secunda refractione. arg. 2. accessoriū 42. de R. J. in 6. ergo. 3. Si maneret obligatio abstinendi à

secunda refractione, sublatā per dispensationem obligatione abstinendi à carnibus, tunc in cena non possem adhibere carnes, & in harum esu ad alteram refractionem pervenire : sed hoc est contra sensum communem, ut putabat, omnium tam Doctorum, quam Fidelium liquororum, cum nemo sibi faciat scrupulum, si in carnibus adhibet alteram refractionem, qui absolutè, & sine restrictione dispensatus est in esu carnium: ergo.

Ad me quod attinet, sentio cū hoc Parochio contra Pancratium, & multos alios Religiosos, quibuscum hac in re sèpius mihi fuit decertandum, & præter alia à Parocho allata argumenta specialiter ursi absurdum ad quod opinio Adversariorum reducitur; an non enim evidenter absurdum & incredibile est, quod licet alteram refractionem vesperi sumere in carnibus, non verò in cibis esurialibus? atqui dispensatus simpliciter, & sine restrictione ad prandium, licet sumit alteram refractionem vesperi in carnibus, cum per totum diem sit dispensatus in jejunio Ecclesiastico saltem quoad carnes, non dissentibus Adversariis: ergo evidenter absurdum & incredibile est, eidem non licet alteram refractionem vesperi sumere in cibis esurialibus. Si quis ex parte velit acceptare dispensationem, & corpus suum ac gultum mortificare quoad esum carnium, cur, quz,

lo, id non possit, cùm abstinentia à carnibus & abstinentia ab altera refectione separabiles ab invicem ac dividuæ sint? Et hanc doctrinam facio cum Laymanno l. 4. rr. 8. c. 3. n. 8. allegante Lessium & Tolentum, procedere solum in casu dispensationis; si enim ob aliam causam, v.g. quia alii cibi, nisi carnes, non facile possint haberi, vel si quis nimium abhorreat ab aliis cibis, tunc admitto, talem non obstante, quod carnes licet comedat, teneri adhuc abstinentia à secunda refectione etiam in carnibus; licet putem, ei propter talem causam licitum esse loco cœnæ collatiunculam sumere etiam in carnibus.

Ad Opposita facilissimè respondetur. Ad 1. disf. Ma. qui dispensationem non acceptat nullo modo, nec quoad principale nec quod accessorium, manet lege ligatus. C. Ma. qui non accepat quoad partem, vel quoad principale, acceptat tamen quoad alteram partem, nempe quod accessorium. N. Ma. talem enim lex non ligat quoad hanc partem, cujus dispensationem vel ablationem acceptat: inò simpliciter dispensatus in jejunio, licet sponte ac voluntarie non comedat carnes, temper tamen potest, si velit, dispensationem admittere, & comedere carnes non solùm in prandio, sed etiam in cœna, & ijs integrè se reficere. Ad 2. Episcopi dispensando ad esum carnium implicitè

censentur etiam dispensare ad alteram refectionem, quæ est aliquid accessorum ad esum carnium tanquam ad principale, vel quasi accidentis ad essentiam jejunij: quando autem aliquid se habet per modum accessorum aut accidentis, etiam comprehenditur in dispensatione, aut lege, etiam odiosa, & sic extensio ne opus non est, ut habet communis doctrina de Lege odiosa, & ego tradidi ad Tit. de Constitut. & de Rescriptis. Ad 3. N. sequelam, quia principale non sequitur suum accessorum, nec minus secum trahit, quod est maius, bene tamen vicissim, ut est gnome apud Doctores. Ad 4. N. iterum sequelam Major. cum probabiliore, quia Religiosi non habent proprium velle & nolle, & disciplina Religiosa exigit, ut Religiosi in refectione sua non suum gustum & arbitrium sequantur, sed Superioris, dispensationem pro suo Cœnobio absolute & quoad nullam partem acceptantis. Certè si possent Religiosi sine consensu Superioris acceptare dispensationem quoad alteram refectionem, non amplius fore ratio, cur non possent etiam acceptare quoad esum carnium, quod non facile à quo- quam admitti exi- stimo.



Qq 2

TI-